



# ज्ञजलपा वाःपौ

JWOJALAPA NEPALBHASA WEEKLY

दै: ६ ल्या: ३० पूर्णाङ्क: ८२

ने. सं. ११३६ सिल्लाख षष्ठी आइतवा: २०७२ फागुण २ गते आइतवार (Feb- 14, 2016)

मू: ८/- (च्यातका)

## नेपाली कांग्रेसया किपुलिइ अधिवेशन क्वचाल

# वडा इकाई समितिइ सु सु सभापतिइ वल ?



### ज्वजलपा वा:पौ

वडगु फागुण २० गतेनिसं २३ गतेतक यैय जुइगु नेपाली कांग्रेसया भिस्वक्व:गु १३ औं महाधिवेशनया निंतिं गाउँ, वडा नगरस्तरीय अधिवेशन क्वचा:गु दु । सुशिल कोइरालाया निधनं छुं दिं स्थगित जूगु महाधिवेशनया ज्याभव: मिहग:निसं हानं न्ह्या:गु दु । आ: जिल्ला अधिवेशन जू वनाचंगु दु ।

थ्वहे भवलय किपू नगरपालिकाया भिगुगु १९ वडाया वडा इकाई सभापति सु सु वल धइगु थन न्ह्यव्येत्यनागु दु ।

वडा नं.१ य - हिरालाल महर्जन (व्यक्: न्हूम्ह वडा इकाई सभापति सर्वसम्मतिं ल्य:गु ख:।)

वडा नं.२ लय - अष्ट महर्जन (व्यक्: नं न्हूम्ह वडा इकाई सभापति सर्वसम्मतिं ल्य:गु ख:।)

वडा नं.३ य वद्री महर्जन, वडा नं.४ - रामकृष्ण श्रेष्ठ, वडा नं.५ - दिनेश महर्जन, वडा नं.६ - रमेश मानन्धर, वडा नं.७ - सुदन बस्नेत, वडा नं.८ - राजेन्द्र बानियाँ, वडा नं.९ - विनोद महर्जन, वडा नं.१० - विकास महर्जन, वडा नं.११ - विश्वजीत महर्जन, वडा नं.१२ - राजेन्द्र विक्रम थापा, (वडा नं. ३ निसं १३ तकयापिं पुलापिं हे निरन्तरता जूगु दु) वडा नं. १४ - केदार महर्जन (न्हूम्ह चुनाव ल्वाना त्याका: व:म्ह ख:) वडा नं.१५ - नानी राम खत्री (न्हूम्ह चुनाव ल्वाना: त्याका: व:म्ह ख:) वडा नं.१६ - महेश महर्जन (न्हूम्ह सर्वसम्मतिं ल्य:म्ह) वडा नं.१७ - रेणुलाल महर्जन, वडा नं.१८ - दिवाकर के.सी. वडा नं. १९ - श्रीराम वास्कोटा

जिल्ला अधिवेशनय प्रत्येक वडां प्यम्ह ४ सें ब्वति कायेदइ । (बुथ प्रतिनिधि २, मिसाम्ह १, व इकाई सभापति १)

अथे हे वंगु माघ १९ गते किपू नगर समितिया ल्यज्या जुल । उगु ल्यज्याय संस्थापन पक्षं सभापति कृष्णमान डंगोलं ४४४ मत व देउवा पक्षया सुबोध आचार्य १३६ जक कायेत ता:लात । अथे हे संस्थापन पक्षया सचिव पदय दिपक राज पाण्डे ३४० व ससिर महर्जन २२८ मत, कोषाध्यक्ष पदय संस्थापन पक्ष राजिता महर्जन (गौतम) ३८२ व अम्बिका श्रेष्ठ १८० मत कायेत ता:लात । च्याम्ह दुज:पिं नं संस्थापन पक्षयापिं ल्य:गु दु । थुगु कथं नेपाली कांग्रेसया संस्थापन पक्षया पूरा प्यानल हे भारी बहुमतं ल्य:गु दु । गुगु थथे दु ।

१.सभापति- कृष्णमान डंगोल २. सचिव- दिपक राज पाण्डे ३. कोषाध्यक्ष- राजिता महर्जन (गौतम) मेपिं च्याम्ह सदस्यपिं १.कविन्द्र कार्की, २. मीन प्रकाश महर्जन ३.विकास बस्नेत ४.इन्द्रमणी ज्ञवाली ५.कीर्तन प्रधान ६. रश्मी श्रेष्ठ ७. नन्दकुमार कार्की ८. महेश्वर खडका । मधेसी, मुस्लिम, अल्पसंख्यक, प्रतिनिधिपाखें स्वम्ह वनवारी प्रसाद शाह, यदुनन्दन भा, काशीलाल चौधरी ल्य:गु दु ।

## नगां सनागुथिइ चुनावपाखें न्हूगु नेतृत्व



नेवा:तय थ:गु मौलिक सांस्कृतिक परम्परायात सुथालाक न्ह्याकेत थीथी जातिया थीथी गुथि स्वनेगु चलन दु । मनू सिइवल्य सिथं यंकेगु निंतिं सना: गुथि, छुं नं घ:या जात्रा पर्व न्यायेकेत, छुं नं इलयया पर्व हनेत नं गुथि नीस्वनात:गु दइ । तर व फुक्क गुथिया मू गुथि जुइ सनां गुथि । छगू इलय व गांया, थाय्या सामाजिक, आर्थिक छुं नं महत्वपूर्णगु निर्णय सनां गुथिं याइगु चलन दुगु ख: । गुथिं ब्यूगु उजं सकसिनं मानय याये हे मा: । गुथिया उजं मानय मया:पिन्त गुथिं पितिना छ्वयेगु चलन दुगु ख: । गुथिं पित्युम्ह मनून व गां हे त्व:ता वनेमा:गु यक्व दसू दु । थ्व छगू सामाजिक परंपरा न्ह्याकायनेत गुथियारपिन्त अनुशासनय तयेगु निंति ख: ।

ई हिलावथें गुथिया ज्या यायेगु रिंतिथिती नं छुं छुं ह्युपा: वल । थौं कन्हय सना: गुथि फुक्क थासय दनि । सनां गुथि गुथियार अप्व: दया:वलिसे ज्यासना पुच: नं अप्वयेके माल । सुथालाक ज्या यायेत गुथि ज्यासना पुच:यापिन्त गुथिया नाय: धायेगु चलन दु । थीथी थासय थ:गु हे चलन कथं बिस्कं बिस्कं नाय: ल्य:गु चलन दु । थ्वहे चलन कथं किपू नगरपालिकाया वडा नं.१६ नगामय ज्यापुतयगु छगू सनांगुथि दु । गुगु सना:गुथिई १९५५ म्ह ज:दु । गुथिया ज्या सुथालाक न्ह्याकेत न्हयम्ह ७ म्ह गुथियारतयगु ज्यासना पुच: दयेका: वयाचंगु दु । प्यदंय छक: ज्यासना पुच: न्हूधा: यायेगु चलन दु । वहे चलन कथं थ्वहे वंगु माघ २३ गते सनिवा: नगांमय जूगु गुथियार पिनिगु भेलां छगू ज्यासना पुच: ल्य:गु दु । न्हयम्ह स्वया: अप्व: उम्मेदवार दुगुलिं चुनाव हे याये मा:गु ख: । चुनावय त्यानाव:पिं पदाधिकारीपिं थथे दु । अध्यक्ष- धनवहादुर महर्जन, उपाध्यक्ष-गौतम महर्जन, सचिव- राजेन महर्जन, सह-सचिव- गंगाराम महर्जन, कोषाध्यक्ष - दिलिप महर्जन, सह-कोषाध्यक्ष- भगवानशरण महर्जन, सदस्य- सुवर्ण महर्जन दुगु गुथिया ज्यासना पुच: ल्य:गु दु ।

नवाः ब्रह्मन्त आदिवासी

जनजाती जनजाती जनजाती

नेवा: प्रदेशमा आदिवासी

जनजाती जागरण अभियान

संविधान सम्बन्धी चासो तयादीपिन्त इनाप

आदिवासी जनजातिया दृष्टिकोणय

न्हूगु संविधान सहलह ज्याभ्व:

ज्यापु महागुथि किपू नगर समितिया ग्वसालय

नेवा: प्रदेशय आदिवासी जनजाति जागरण अभियायानया संयोजनय

वडगु फागुन ७ गते किपूया

कीर्तिपुर माध्यमिक विद्यालय, बाहिगां किपू



## झाजलपा वाश्या

सल्लाहकार  
श्रीकृष्ण महर्जन  
प्रकाशक:

नजरराम महर्जन  
सम्पादक

श्रीकृष्ण तण्डुकार  
ले-आउट:

ज्वजलपा डेस्कटप  
संवाददाता

भरत महर्जन, निरजमान सिंह  
थाकू

प्रिन्ट स्काई, यें

ज्याकू: निखासी त्वा: किपू नपा-३

फोन ल्या: ४३३३००७, ९८४९४०९०७७

ई-मेल : kirtipursandesh@live.com

### सम्पादकिय

## नेवा: स्वायत्त राज्य मंका: संघर्ष समिति हाकनं छाया निश्क्रिय

नेवा: स्वायत्त राज्यया निति आन्दोलन याना वयाचवंगु नेवा: स्वायत्त राज्य मंका: संघर्ष समिति वंगु खुक्व:गु नेवा: एकता दिवसया निति छक: सक्रिय जूगु थें नेवा:तयसं महसूस या:गु ख:सा आ: हाकनं निश्क्रिय जूगु खने दु ।

खुक्व:गु नेवा: एकता दिवस हनेगु भवलय नेवा:तयगु मंका: अवधारणा धका: जारी जूगु संविधानं नेवा: नापं आदिवासी जनजातितयगु हक अधिकार सुनिश्चित या:गु मदगुलिं संविधानयात स्वीकार याये फइमखु धका: घोषणा या:गु ख:सां आ: धा:सा नेवा: स्वायत्त राज्य मंका: संघर्ष समिति खास हे ज्याभव: या:गु खने मदु । नत नेवा:तयत जारी संविधानय थ:पनिगु अधिकार मदु धका: थुइकेगु हे ज्या यात वा सतकय क्वहां वया थ:पनिगु मत पिब्वयेगु ज्या हे यात । खास छुं हे कथंया ज्याभव: मंका: संघर्ष समिति या:गु खने मदु । अले मंका: संघर्ष समितिया न्हूगु कथंया संचरना दयेकेगु धयाचवंगु जूसां अज्व:गु कथंया संचरना दयेकेगु ज्या या:गु नं मदु ।

वंगु छुं दि न्हय: संविधान संशोधन या:गुयात कया छगू सहलह मुँज्या यायेगु वाहेक खास हे छुं हे ज्याभव: या:गु खने मदु । उकिं पहिचानया आधारय नेवा: प्रदेशया पक्षय दुपिं नेवा:तयसं थ्व इलय नेवा: स्वायत्त राज्य मंका: संघर्ष समिति छाया निश्क्रिय जूगु ख: धका: न्हयस: तयाचवंगु दु । थुकियात कया थौकन्हय नेतृत्व यानादीपिन्सं स्पष्ट यायेमा:गु ई व:गु दु । मखुसा नेवा: आन्दोलन अभ अज्व: ल्यूने लाना वनीगु खँय सुया नं निगू मत दइमखु ।

## भीगु समाजय खँय सगं अर्थ व महत्व



### विराजकाजी राजोपाध्याय

नेवा: समाज दुनेया तजिलजि विविधता जायाचवंगु दु । हरेक संस्कार परम्परा आदिया पद्धती अथवा विधि पायेफु । तर न्ह्यात्ये हे पा:गु विधि वा पद्धतीइ नेवा:तयगु अप्व: धै थे सामाजिक वा धार्मिक ज्याखँ आदिइ छता खँ धा:सा समान जुयाचवंगु दु । व ख: खँय सगं ।

नेवा: समुदाय दुने याइगु थी थी संस्कार वा कर्मकाण्ड आदिया लिसें नख: चख: व ई विशेषय खँय सगं माला हे च्वनी । दँयदसं बुदिं कुन्हु छँया नकिमं म्हायामचां बुदिं ला:महेसित खँय सगं विइगु याइ । नापं मचा जंक्व याइ, बुसँखा, कयतापुजा, बरे छुइगु, इहि, वा:न्हा: आदि संस्कार पूर्वकी, इहिपा: जुइ, बुरा जंक्व याइ । थुज्व:गु दक्व ज्याखँय खँय सगं नं नापनापं वया हे च्वनी । नख:चख:यात स्वयेबलय म्हपुजा, किजापुजा खँय सगं मवीकं क्वचाइ हे मखु । छँया सुं ज: तापाक्क गनं वनेत्यंगु दु सा वयात खँय सगं विया: जक पिछवइ । सुं त:धंगु विपद, दुर्घटनां बचे जुया वल धा:सा अथवा जाँचय पास जुल धा:सा नेवा:तय खँय सगं विइगु याइ ।

नेवा: समाजय खँय सगं मनूयात जक मखु, य:यात नं वी । सुं नं य:यात सम्हयवजि छाइबलय उकी खँय, माय व: व सँन्या नं तया: छात धा:सा व य:यात खँय सगं ब्यूगु धका: थुइकेमा: । तान्त्रिक विधिया पुजा अथवा य: प्याखनय म्वा:पिं य:पिंत नं खँय सगं विइगु याइ । स्विनिग:या दुने यँया पचली भैरव प्याखं, भद्रकाली प्याखं, ख्वपया नवदुर्गा गंप्याखं आदिइ म्वा:पिं ख्वा:पा: पुनात:पिं य:पिन्त खँय सगं ब्यूगु भीसं खंकेफइ । थुगु दक्व खँयात विचा: यायेबलय थ्व खँ सी दइ कि खँय सगं व नेवा: समाजया दुग्यंगु स्वापू दु ।

समाजय प्रचलित तजिलजि वा चलन मात्र औपचारीकताया नितिं जक विकास यानात:गु धा:सा पक्का हे मखु । थुकी दुग्यंगु अर्थ सुलाचवंगु दु, जीवन दर्शन हे सुलाचवंगु दु । खँय सगं दुने मुख्य रुपं न्याता नसा ज्वलं दुथ्यानाच्वनी । खँय सगं धयाकथं खँय ला मा:गु हे जुल । उकिया नापं छवयला, चा:तूगु व गंगु सँन्या, माय व: अले अयला: दयाच्वनी । थुगु न्याता नसा ज्वलनं पञ्चतत्वया प्रतिनिधित्व याइ । खँयचय आकाश थुज्व:गु खाली ब्व नं दइ । अथे जुया: खँय आकाश तत्वया प्रतीक ख: । उकीया नापं खँय धइगु भंगलं थ्वइ । अले भंग: धइमह आकाशय ब्वया जुइमह जुल । व ल्याखं नं खँययात आकाश तत्व नालाका:गु धाईपिं नं दु । अथे हे ला धइगु च्याकल धा:सा नौ जुयावनी । व ल्याखं लायात पृथ्वी तत्वया प्रतीक नालाकाल । न्या धइमह लखय च्वनी । अयजुया: न्या ल: अथवा जल तत्वया प्रतीक ख: । माय व दयेकीबलय चाकलाक्क दयेकी । शरीर य वायु तत्व दुपिं प्राणीतयसं हावभावपाखें थी थी मुद्रा ज्याये फु अथवा धाये दयेके फु । चाकला:गु माय व: स्वयेबलय गुगुं मुद्रा थें हे खनेदु । अथे जुया: माय व: वायु तत्वया प्रतीक ख: । व: धइगु मासं दयेकीगु जुल । माय धइगु फसय यग्गाना: सइगु जूगुलिं माय वयात वायु तत्वया रुपं काये फइगु मान्यता नं दु । अयलाखं शरीरय तेजया अनुभूति वीगु जूगुलिं अयला: तेज वा अग्निया प्रतीक ख: । थुकथं पञ्चतत्वयात छथाय तया: सन्तुलित याना: खँय सगंया विकास यानात:गु ख: ।

थुगु न्याता ज्वलं दुने खँयचय खालीगु ब्व नं दइ अले ला नं दइ अयजुया: खँययात आकाशतत्व व पृथ्वीतत्व निताने नालेफइ । चा:तूगु सँन्या मुद्रा थें नं खनेदइगु जूगुलिं जल व वायु निगुलिं तत्वया प्रतिनिधित्व यायेफु । अयजुया: खँय, व अयला: निताने जक तया: नं खँय सगं वीगु यानाचवंगु खनेदु । तर थौकन्हय गुगुलिसनं ला खँय सगं धका: खँय व धौ वीगु यानाहल अयला: मदयक खँय सगं बीबलय पालु छकू तयेगु चलन दु । पालुइ नं तेज तत्व दइगु जूगुलिं अयला: मदयक खँय सगं बीबलय तेज तत्व पूर्वकेत पालु तइगु ख: ।

जीव वा प्राणीया निर्माण पञ्चतत्वपाखें हे जुयाचवंगु दइ । पञ्चतत्व धायेबलय जल, वायु, पृथ्वी, अग्नि अले तेज ख: । खँय सगंया न्याता ज्वलनं थ्व हे पञ्चतत्वया प्रतिनिधित्व याइ । पञ्चतत्वया प्रतिनिधित्व याइगु खँय सगं जीव बलिया प्रतीक ख: । माने याना वयाचवंगु मान्यता कथं बलि धयागु शक्ति प्राप्तीया नितिं वीगु ख: । तान्त्रिक विधिं थुकथं जीवबलिया बिकल्पया रुपं खँय सगंया विकास या:गु खनेदु । थ्व ल्याखं भीसं थ्व खँ नं थुइके फइ कि खँय सगं शक्ति प्राप्तीया नितिं वीगु ख: वा काइगु ख: । पञ्चतत्वया छुं छगू तत्व असन्तुलित जुल धा:सा मानव शरीरय समस्या खनेदइगु ख: वा म्ह मफइगु ख: । तेज तत्व म्हव: वा आपा: जूसा ज्वरो वइगु, हाइ वा लो प्रेशरया समस्या जुइगु, वायु तत्वया असन्तुलनं ग्यास्ट्रिक आदिया समस्या जुइगु जुइफु । अयजुगुलिं सुं छम्ह मनू स्वस्थ च्वना च्वनेत वयागु शरीर दुनेया पञ्चतत्वय सन्तुलन जुया च्वने हे माल । मानव शरीरया पञ्चतत्वयात सन्तुलित यानातयेगु आजुं नं खँय सगं कायेगु वा वीगु यानात:गु ख: । नापं खँय सगं थकालिपनिपाखें आशिर्वाद वा न्ह्यामहेसिगु पाखें नं भित्तुनाया रुपं नं कायेफइ । लखय, बँय, मिइ, आकाशय वा फसय न्ह्यात्थाय नं त्याके फयेमा, गुगु नं थासय बुइ म्वा:लेमा, गुगु नं तत्व स्यके मफयेमा, पञ्चतत्वयात हे त्याका काये फयेमा धका: भिंगु कामना याना: पञ्चतत्वयात हे छथासं तया: खँय सगं वीगु या:गु मान्यता नं दु । थुगु कथं खँय सगं मनूया उसाँयलिसे नं तप्यक स्वापू तयाचवंगु दु ।

समाजय स्वस्थ जीवन हनेगु आजुं दयेकात:गु तजिलजिया अर्थ व महत्व थुइका काये फयेमा: । अर्थ वा महत्व मथुइक औपचारीकता जक पूर्वकेगुया छुं हे अर्थ दइमखु । मानव शरीरयात स्वस्थ दयेकेत, शक्ति प्राप्त यायेत विकास जूगु खँय सगनयमा:गु ज्वलं स्वयां थ: यत्ये ज्वलंत तल धा:सा खँय सगंया महत्व ला मदइगु जुल जुल, नापं थुकिं उसाँयात वामला:गु लिचव: लाकी मखु धका: नं धाये थाकुइ । अथे जुया: भीसं भीगु तजिलजियात न्ह्याका यंकेगु जक मखु, उकिया अर्थ नं थुइका कायेमा: ।

## सताब्दी पुरुष नापं संस्कृतिविद सत्यमोहन जोशी म्ह मफत

सताब्दी पुरुष नापं संस्कृतिविद सत्यमोहन जोशी म्ह मफया थ:गु हे छँय उपचार याकाच्वनादीगु दु । वंगु वा:निसें वयक: म्हमफुगु ख: ।

यलया बखुवहालय थ:गु हे छँय वयक:यात चिकित्सकतयसं वास: यानाच्वनादीगु दु । गुइन्हयदँ दुम्ह जोशीयात कफ अप्वया व:गु, सेखं



चा:गु, ज्वर व:गु व इलय ब्यलय अक्सिजन विइमा:गु अवस्था दु धका: छँज:पिन्सं धयादीगु दु ।

सार्वजनिक ज्याभवलय लगातार रुपं वनादीगुलिं आराम मगाया वयक: म्हमफुगु खयेमा: धका: अनुमान या:गु दु ।

नसात्वसा म्हो जूगु दुसा सास: ल्हायेत थाकुइगु अवस्थाय वयक:यात अक्सिजन

विइगु यानाचवंगु ख: धका: नं धा:गु दु । चिकित्सकयसं जोशीयात एन्टिबाइोटिक वास: वियात:गु दु । वंगु दँछ्छ न्हय: नं वयक: म्ह मफया अस्तालय भर्ना जुयादीगु ख: ।

हाकनं म्ह मफुगुलिं वयक: थौकन्हय पिहां वनादीगु मदु । अले म्हो जक खँ ल्हायेगु यानादी धका: छँज:पिन्सं धयादीगु दु ।



# नेपालभाषा एकेडेमीया दँ मुँज्या क्वचाल

नेपाल संवत् ११३५ चिल्लागा नवमि (२०७१ फागुण ३० गते) न्हूगु ज्यासना पुचः नीस्वंगु खः । न्हूगु ज्यासना पुचः कथं चित्तरंजन नेपाली कुलपति व सदस्य सचिव मल्ल के.सुन्दर अले दांभरिपुष्पराज राजकर्णिकार यात ल्यःगु खः ।

नेपालभाषा एकेडेमीया चान्सलर चित्तरञ्जन नेपालीया सभानायः सुइ थ्वहे ने.सं.११३६ सिल्लाथ्व चौथी शुक्रवार खुन्हु एकेडेमीया सभाहलय् दँ मुँज्या क्वःचाःगु दु ।

उगु ज्याभवलय् एकेडेमीया सदस्य सचिव मल्ल के. सुन्दर वार्षिक प्रतिवेदन न्ह्यब्वयादीगु खः । प्रतिवेदन न्ह्यब्वयेगु भवलय् सदस्य सचिव सुन्दर नेपालभाषा आकादेमिं आः परम्परागत रुपं जक ज्या मयाःसे न्हूकथं ज्याभवःत न्ह्याकेगु तातुना दूगु खँ न्ह्यथनादिसँ आकादेमिं थीथी



१३ गू क्वः नीस्वने धुंकूगु व उगु क्वःतपाखें थःथःगु कार्ययोजना न्ह्यब्वयेधुंकूगुलिं आः उगु क्वःतयगु कार्ययोजनायात कार्यान्वयन यायेत पलाः छिइगु खँ तयादिल । वयकलं न्हूगु ज्यासना पुचः नीस्वनेधुंकाः यानागु ज्याया न्ह्यथनादिसँ र । ज्यपाखें वजेटया माग यानागु, भुखाचं स्यंकूगु एकेडेमीया एफ

एम ज्याकू दयेकागु, मस्यौदा संविधानबारे सहलह यानागु, २०७२ साल साउन २८, २९ व ३० गते सफू ब्वज्या यानागु, न्वचू ज्याभव न्ह्याकागु, सिर पाः यानागु व सफू पिथनागु खँ न्ह्यथनादिल ।

अथेहे एकेडेमीया दांभरि डा. पुष्पराज राजकर्णिकार आर्थिक प्रतिवेदन न्ह्यब्वयादीसँ लेखा

परिक्षक आर रघुवंशी एण्ड कम्पनी तयार याःगु अडिट रिपोर्ट नं न्ह्यब्वयादीगु खः ।

अथेहे वयकलं आ.व. २०७२/०७३या नितिं ४६,१०,०००/ आय व ४३,१०,०००/ तका खर्चया अनुमानित वजेट नं पेश याना दिल । सचिवया वार्षिक प्रतिवेदन व दांभरिया आर्थिक प्रतिवेदन

सर्वसम्मति पारित याःगु दु । एकेडेमीया भाइस चान्सलर यज्ञरत्न धाख्वाःनं सुभाय् न्वचु बियादीगु खः ।

एकेडेमीया चान्सलर व दँमुज्याया सभानायो चित्तरञ्जन नेपाली सभा क्वचायेकेगु भवलय् न्वचू विसँ साहित्य, संस्कृति कला ख्यः नेवाःतयगु जक सम्पदा मखुस देय्या न्हाय् धःस्वाकीगु

सम्पदा खः धयादिल । वयकलं थुगु ख्यःया विकास धैगु हे देय्या विकास खः धयादिल ।

उगु ज्याभवलय् नेपालभाषा आकादेमिया संरक्षक संस्कृतिविद् डा. सत्यमोहन जोशी उसाय् मदुगु हुनिं ज्याभवलय् मभाःगु खः । ज्याभवलय् नेपालभाषा आकादेमिया सकल जः दुजःपनिगु उपस्थिति दूगु खः ।

## नेपाःया वैज्ञानिक डा. सुशीला महर्जनयात अन्तर्राष्ट्रिय सिरपाः

अन्तर्राष्ट्रिय स्तरया एल्सेभिएर फाउण्डेशन अवार्ड - २०१६ नेपाःया जीवशास्त्री वैज्ञानिक डा. सुशीला महर्जनयात बीगु जूगु दु । डा. महर्जनयात वयकलं यानादीगु जैविक अनुसन्धानया नितिं उगु सिरपाः विइत्यंगु खः ।

स्वंगूगु विश्वया न्हूपिं मिसापिं विज्ञान व स्वास्थ्यया ख्यलय् सक्रिय अनुसन्धानकर्तापिन्त थ्व सिरपाः विइगु खः ।

एसिया व अफ्रिकाया न्याम्ह वैज्ञानिकपिन्त थ्व सिरपाः विइत्यंगु खःसा उकीमध्ये छम्ह नेपाःया डा. सुशीला महर्जनयात लाःगु खः ।

नेपाःया उच्च हिमाली लागाया चाय् दइगु छताजिया जैविक तत्वबारे वयकलं यानादीगु अनुसन्धानया नितिं थ्व सिरपाः विइत्यंगु खः ।

नेपाःया उच्च हिमाली लागाय चाय् जक दइगु स्ट्रुटोमाइसिस ब्याक्टेरिया नांगु थ्व जैविक तत्वयात थौकन्हय् विश्वव्यापी रुपं हे अप्वयाच्चंगु वासः व एन्टिबायोटिकया प्रभावयात पनीगु ल्वयलिसे ल्वाये फइगु न्हूगु वासः दयेकेगु ज्याय् छयले फइ धाःगु दु ।

डा. महर्जनं धयादी कथं नेपाःया उच्च हिमाली लागाया चाय् थुकिया आपालं आपाः




सम्भावना दु । नेपाःया त्रिविवाखें एमएस्सी यानादीम्ह डा. महर्जनं दक्षिण कोरियाया सनमुन युनिभर्सिटीपाखें विद्यावारिधी यानादीगु खः ।

थौकन्हय् वयकः नेपाःया इन्स्टिच्युट अफ बायोलोजी एण्ड बायोटेक्नोलोजी (रीव) या इन्डिष्ट्रियल माइक्रोबायोलोजी विभागया प्रमुखया रुपय् कार्य

रत दु । एल्सेभिएर अवार्ड डा. सुशीला महर्जन नापं युगान्डा, पेरु, इन्डोनेसिया व यमनया न्याम्ह मिसा वैज्ञानिकतय्त विइत्यंगु खः । आइतवाः अमेरि

नेपाःया जीवशास्त्री वैज्ञानिक डा. सुशीला महर्जनयात बीगु जूगु दु । डा. महर्जनयात वयकलं यानादीगु जैविक अनुसन्धानया नितिं उगु सिरपाः विइत्यंगु खः ।

काया वाशिगटनय् अमेरिकन एशोसियसन फर द एड्मान्समेन्ट अफ साइन्सया ज्याभवलय् थ्व सिरपाः लःल्हाइगु जूगु दु ।



### किपूया गथु प्याखं (गं मखाःगु प्याखं)

सफू बजारय् पिदने धुंकूगु दु थःगु प्रति सुरक्षित यानादिसँ

#### सफू दइगु थाय्

- १) ख्वपया च्याम्हसिंहया स्टेशनरी पसः (श्याम सुन्दरया पसः)
- २) ख्वप कमल विनायकया स्टेशनरी पसः
- ३) किपूया सतःक्वया स्टेशनरी पसः
- ४) किपूया देय् पुगूया बाघभैरव स्टेशनरी पसः
- ५) किपूया पांगा दोवाटोया किपू बूक प्वाइट
- ६) यैया भोताहिनि नातिवज्रया पसः
- ७) यैया कुलाभुलिइ च्वंगु मंकाः धुकू पसः
- ८) यल, यल ध्वाखा अर्जुन स्टेशनरी पसः
- ९) स्वापू नितिं मेमेगु फोन नम्बरः ४३३४०९३, ९८४९७५२५८३, ९८४६०४६९२३९

मू  
सच्छि तका जक (१००/-)



## राराहिल स्कूलय् वक्तृत्वकला धेंधेंबल्ला



किपूया छुगाउँलय् चंगु राराहिल मेमोरियल स्कूलय् उगु स्कूलया कक्षा ६ निसें चयनया विद्यार्थीपनि दथुइ "Speaker of Rarahill : Free speech Competition" विषयया न्वचुकला धेंधेंबल्ला जुल ।

उगु धेंधेंबल्ला कासाय् उगु स्कूल आयोजना या:गु "वक्तृत्वकला सीप विकास तालिम"य् ब्वतिका:पिं विद्यार्थीपिन्सं ब्वति का:गु खः ।

उगु धेंधेंबल्ला कासाया स्कूलया प्रधानाध्यापक जगतवहादुर महर्जनया नाय:सुइ जूगु खः । निर्णायक मण्डलय् राराहिल मेमोरियल सार्वजनिक गुथिया नाय: तुलसी दास महर्जन, वरिष्ठ समाचार वाचक रुपक श्रेष्ठ व अंग्रेजी विषय शिक्षक कृष्णवहादुर बस्नेत चनादीगु खः । उगु धेंधेंबल्लाखय् रिजु श्रेष्ठ न्हापा,सकृष्टी भण्डारी ल्यू, सदिका रावल लियां ल्यू व सान्त्वना कृतिका गौतम जूगु खः । उगु ज्याभवःया संयोजन सुनिता डंगोल यानादीगु खः ।

## भ्यालेन्टाइन डे इसाईतय्गु डे



निश्चल

राहुल सांकृत्यायनं छथाय् चयात:गु दु - यदि गार्दी धा:थें राष्ट्रवादयात नालेगु खःसा भवतय् मखु, भोजपत्रय् पं बालां आखः चना चनेमाल । वास्तवय् थौकन्हय् भीगु जीवनय् मा:गु अनेक हलज्वलं सकतां हे आयातीत जुइधुकल, थ्व स्वाभाविक व प्रगतिशील खँ नं खः । तर थुगु अवस्थाय् भीगु थःगु पहिचान धइगु छु ले धायेबलय् निश्चितरूपं भाषा, साहित्य व संस्कृतिया खँ हे वइ । भीसं थःगु अस्तित्व व पहिचान ल्यंका तयेगु खःसा थुकियात कस्सिक क:घाना तये हे माः ।

अले थुकथं थुकियात कस्सिक क:घाना तयेत आयातीत संस्कृतियात आयातीत हे खः धका: धइगु चेतना नं भीके दयेमाः ।

विक्रम संवत्यात विदेशी संवत् खः धका: मध्यायेगु खः व स्वाभाविक रूपं नाला चनेगु खःसा भीगु हे थःगु नेपाल संवत्या आवश्यकता व उपादेयतायात भीसं नाला काये फइमखु । भीसं हे आवश्यकता व उपादेयता मखंकीगु खःसा स्वाभाविकरूपं न्ह्यागु नं खँ तनावनीगु भवलय् ला: वनी । थ्व छगुकथं नियम हे खः । अथेजुगुलिं आयातीत संस्कृतिप्रति भी सतर्क जुइ हे माः । छेहे देसय् दुने हे नं मेमेगु संस्कृति क्वचिनेगु ज्या जुयाचंगु दु धा:सा मेखे भी हे उकथं मेमेगु संस्कृतिइ आकर्षित जुइगु खःसा भीगु अस्तित्व व पहिचान तनेत ताउ बीमखु । खतुं धर्म नं थुगु हे पहिचानया वर्गय् दुने लाकेगु याः । तर थुकियात

व्यक्तिगत आस्थाया विषयकथं कायेगु यानाह:गुलिं थुकिइ भतीचा व्यागलं स्वयेमाली । खतुं भीगु संस्कृति नं मूलभूतरूपं हिन्दू व बौद्ध धर्मय् आधारित जुयावयाचंगु जूगुलिं थुगु ल्याखं ला धर्मयात ला हा हे कथं नं कायेमा:गु अवस्था नं खनेदु । नेल्सन मण्डेलां धा:गु खः - न्हापा जिमिके बुँ दु, भुयूपिके बाइबल, अले आ: जिगु ल्हातय् बाइबल दु, भुयूपिके बुँ । थुकथं न्हापां धर्म अर्नाल संस्कृति जुया: हे मनूतसैं थःगु अस्तित्व लोप यानायंकीगु खः । तर आ: विज्ञानया प्रगति अप्ठ:गुलिं व व्यवहार धर्मकथं मजुसैं धर्मनिरपेक्ष जुया: वनाचंगुलिं उकथं धर्मय् आधारित जुया: खंत वयाचंगु मदु ।

तर छता खँ न्हयस: तयेमा:गु दु - ल्हातय् बाइबल घाना जुइपिसं छुं गुगुं अवस्था पिहांवल धा:सा नेपा: व नेपा:या पं ली कि मली ? थ्व खँ नं आ: विश्लेषण यायेमा:गु विषय जुयाचंगु दु । थन जुयाचंगु धर्म परिवर्तनया ज्याखँ फुककं धर्म परिवर्तन हे जक खः कि थुकिया ल्यूने विदेशीतय्गु ग्रायण्ड डिजायन व गेम प्लान दु ? थ्व नं राज्यं हे थुइका सीका कया: ज्या यायेमा:गु दु । तर राज्यया मुख्य अंगय् हे च्विपिं मनूत हे बिकाउ जुयाचंगु आ:या समस्या खः । इमिसं जातीय पहिचानया पक्षय् उठे जूगु खँयात ख्याना छवयेत राष्ट्र व राष्ट्रवादया नारावीका: थःगु जातिया मनूतय्त न्ह्याकाचंगु दु, तर इपिं स्वयम् विदेशीतय्गु दलाल जुया: राष्ट्र व राष्ट्रवादयात कुठाराघात यानाचंगु दु ।

## घिन्तामै लोकलया म्ये

(सिक्किम देय्या थाय्थासय् भिंस्वंगू स्कूलया भिंस्वमह शिक्षक शिक्षिकापिन्त वंगु पुसया २० गते निसें माघया १७ गते तक जूगु भाय् स्यनेगु भवलय् पुसया २४ गते छम्ह प्रशिक्षार्थीया इनापकथं च्यागु थ्व म्ये खः । थुकी खय्भाय्यागु क्रिया 'लगाउनु' या नेवा:भासं छयलीगु थीथी क्रियाया रुप दु । -च्वमि)

यः बाबुराजा ! मांयाम्ह पुताचा !  
छं छकः धयाव्यु, धा:धा:गु यानावी ।

लं फिये यः ला ? कोट फिये यः ला ?  
शूट फिये यः ला, छु फिये यः छं ?  
छं छकः धयाव्यु, धा:धा:गु फिकावी ।

पाइन्ट न्ह्याये यः ला ? घरि न्ह्याये यः ला ?  
लाकां न्ह्याये यः ला, मोजा न्ह्याये यः ला ?  
छं छकः धयाव्यु, धा:धा:गु न्ह्याकावी ।



प्रा.डा. चन्द्रमान बज्राचार्य

टाई चिये यः ला ? पेटी चिये यः ला ?  
छंगु थ्व लाकामय्, पुतु चिये यः ला ?  
छं छकः धयाव्यु, धा:धा:गु चिकावी ।

क्रीम बुले यः ला ? पाउडर बुले यः ला ?  
छंगु थ्व खालय् छु बुले यः छं ?  
छं छकः धयाव्यु, धा:धा:गु बुलावी ।

चिकं तये यः ला ? लालि तये यः ला ?  
छंगु थ्व लनय्, तांख तये यः ला ?  
छं छकः धयाव्यु, धा:धा:गु तयावी ।

बानला:गु वसः पुना, पाजुपिन्थाय् वनेनु  
छ गुलि हिसि दु, पाजुपिन्त कयंवने नु ।

यः जुजुहिरा ! मांयाम्ह पुताचा !  
छं छकः धयाव्यु, धा:धा:गु यानावी ।



बुदिं  
वि.सं. २०१५/०५/०७

### बिचा: हायेका



मदुगु  
वि.सं. २०७२/१०/१७



मदुम्ह मनकुमारी महर्जन

थुगु सहकारी संस्थाया शेयर सदस्य नगांया श्री श्यामभक्त महर्जनया पुजनीय मां **मन कुमारी महर्जन**को २०७२ माघ १७ गते ५७ दँय् आकाभाकां मदुगुलिं जिपिं पासापिं मर्माहित जूगु दु । नापं थुगु दु:खया इलय् मदुम्हिसिया आत्माया चीर शान्तिया कामनायासैं श्रद्धाञ्जली देछासैं दु:खं क:पिं छँज:पिं सकलसित नुगः चीफयेमा धका: बिचा हायेकाचवना ।

**बालकुमारी वचत तथा ऋण सहकारी संस्था लि. परिवार**

नगाउँ, कीर्तिपुर-१६  
फोन नं ४३३६२८६

## साहित्य/चिनाखं

## ख्या:चा

## नाति महर्जन

च:चपा, पाँगा

व ग्यानापुक भुखाय् व्व:गु दिं

आ:तक ल्व:मंके मफुनि जिं

मचात लाय् लाय् वुया:

जित घय् घय् पूव:गु

कार्यपिन्सं कोथां पिनेनु धका:

सातु सा: व:गु

म्हाँ धायेमते धका:

ख्वख्वं कलाचां घ्वातु घ्वा: व:गु

जिला सीसां ल्वमंके फैमखुनि

व ७२ साल वैशाख १२ गतेया दिं

आ:तक ल्वमंके मफुनि जिं

पासा छम्ह जिथाय् छैय् वयाच्वंगु

ज्या सिधेका जिके विदा कया वंगु

लँ बिचय् थ्योबलय् भुखाय् व्वया

कतकिया छैय् दुना ल्हा:गुलिं जि ख्वयागु

आ:तक हे जिगु मिखा प्याना वनि

व वैशाख १२ गतेया दिं

आ:तक ल्वमंके मफुनि जिं

सनिवार विदाया दिं ला:गु

परिवार सकलें मुना न्ह्याइपुका च्वंगु

आकाभाकां भुखाय् व्वया

द्वलंदो मनूत ल्हाना सीगु

सकल जनता त्राहि त्राही जूगु

लुमन कि मन आ: नं ग्याना वनि

व वैशाख १२ गतेया दिं

आ:तक ल्वमंके मफुनि जिं

व त:त:जा:गु छै थ्वँकापिं थें धे धे चूगु

व पुलांगु छै वुरापिं थ्वँ कया: ग्वतुले थें ग्व:तूगु

जिं थ्व घटना गथे याना ल्वमंकेगु

न्ह्यावलें मिखाया न्ह्योने न्ह्योने वया च्वनी

जित: ला भिहग तिनि जक हे जूगु थें च्वनी

व वैशाख १२ गतेया दिं

आ:तक ल्वमंके मफुनि जिं

छै दुना लँय् वये वने थाय् मदुगु

फोन मोबाईल छुं हे चले मज्जुगु

मन जक पि पि च्याका: भ: भ: न्ह्या

थ: मनूत छुं जुलला धका: ग्याना जूगु

व थें ग्याका: मनूत गवलें मज्जुनि

अजा:गु ग्यानापुगु दिं गवलें स्वये मन:नि

व वैशाख १२ गतेया दिं

आ:तक ल्वमंके मफुनि जिं

भुखाचं जित तसकं ख्याना: वन

जिगु न्ह्यपुई हे व ख्या:चा छम्ह त्वता: वन

न्हापा गज्या:म्ह बहादुर धायेका च्वनाम्ह

भुखाचं काठर ग्याफरा याना वन

भुखाय्या ख्वा: जक न्ह्योने न्ह्योने खनि

न्ह्यावलें वं जित ख्या:जक ख्याना च्वनि

व वैशाख १२ गतेया दिं

आ:तक ल्वमंके मफुनि जिं

आ: नं याक:चा छैय् च्वने ग्या:नि

मोटर छै न्ह्योने वलकि छै संधें च्वनि

तसकं खापा तीवले स: वलकि

भुखाय् व्व:वले स: व:थें च्वनि

न्ह्यागु जूसां हे जित भुखाय् व्व:थें च्वनि

जित थ्व भुखाय्या ख्या:चां गवलें जक त्व:ता वनि

म्हंगसय् नं न्ह्यावलें भुखाय् व्व:गु खनि

थारा न्ह्या न्ह्यावलें खातां कुतुवनी

थ्व जिगु न्ह्येपुई च्वंम्ह भुखाय्या ख्या:चां

न्ह्यावलें छाय् जुई जित ख्या:ना च्वनि

जिं ला आ:तक सिकेहे मफुनि

व वैशाख १२ गतेया दिं

आ:तक ल्वमंके मफुनि जिं

न्ह्यावलें भुखाय् व्व:गु जक लुमनि

क:सि वना: निभालय् च्वंवने मछा:नि

पराकम्प धा:गु वैला ध्वाङ्ग स: वइला

वहे जक मनय् वयाच्वनि

ध्वाङ्ग स:व:गु स: जक न्ह्याय्पने थ्वयाच्वनि

व ७२ साल वैशाख १२ गतेया दिं

भीसं सिंसां ल्व:मंके फै मखुनि

आ:तक ग्याना देशय् च: चाट्युवने मछा:नि

थ:गु मदुगु छै हे वैगले जाथुइ ग्या:नि

भन भिहग भिहग बहनि नांगां विस्यूवने मायक

वहे चन्दाल भुखाय्या ख्या:चा वया ख्या: वल तिनि

देना च्वनावले वया खाता संकवल तिनि

थ्व माघ २२ गतेया दिं

वैशाख १२ गतेयात लुमंक वल तिनि

थुगु ७२ साल वैशाख १२ गतेया दिं

भीसं जिन्दगी दतले ल्वमंके फै मखुनि

नेवा: संस्कृतियात स्वयेमा:गु पह: व उकिया अर्थ  
स्वस्थानि छु ख: ?

श्रीकृष्ण महर्जन



## बाखं सुयात कंगु ख: ?

स्वस्थानी बाखंयात स्वल धा:सा स्वस्थानी बाखं सुना सुयात कन धइगु खँ नं ब्यागलं ब्यागलं खने दु । सकवय् मेलाया भवलय् कनीगु स्वस्थानी बाखनय् नारदं माघवनार यणयात कंगु धका: उल्लेख जुयाच्वंगु दु ।

अथे हे नेवा:तय्सं छैय् छैय् कनीगु बाखनय् गुलिं सफुतिइ महादेवं पार्वतीयात कंगु अले गुलिं सफुतिइ धा:सा नारदं सप्तऋषिपिन्त कन धका: उल्लेख जुयाच्वंगु दु । अथे हे थौंकन्हय् बजारय् न्याये दुगु खय् भाय्या बाखं सफुतिइ धा:सा कुमारं अगस्तेमुनियात स्वस्थानी बाखं कंगु उल्लेख जुयाच्वंगु दु ।

थुगु ख्यालं स्वल धा:सा स्वस्थानी बाखं सुना सुयात न्हापां कन धइगु खँय् नं ब्यागलं ब्यागलं कथंया धापू दु ।

स्वस्थानी बाखं नेवा:तय्सं छैय् छैय् लच्छि तक कनेगु याना वयाच्वंगु दु । न्हापा न्हापा नेवा: भासं हे च्वयात:गु थ्यासफुया स्वस्थानी बाखं कनेगु ख:सा लिपांगु

**मुक्कं याना च्यागू पाना जक दुगु न्यास:दँ पुलांगु बाखनय् गोमय्जु, नवराज व चन्द्रवतीया बाखं जक दुध्याकात:गु दु । अले लिपा विक्रम संवत् १८ सयपाखे वया शिव, पारवती, दक्षप्रजापति, सत्यदेवीया बाखं दुध्याकूगु ख:**

इलय् वया बजारय् व:गु बाखं सफूयात न्याना हया कनेगु याना वयाच्वंगु दु । स्वस्थानी बाखं कनीगु इलय् बाखं सफूयात थिइका बाखं पा: तया तयेगु अले दक्ले लिपा बाखंपा: नकेगु नेवा:तय्गु थ:गु हे कथंया चलन ख: । बाखंपा: धका: नेवा:य्सं थीथी कथंया बुव: सिया तया तइगु ख: ।

बाखं भन भन त:धं



स्वस्थानी बाखनय् महाद्य: पार्वती, सतिदेवी, दैत्य, सप्तऋषि, गोमय्जु, नवराज, चन्द्रावती, दक्षप्रजापति नापं यक्व हे पात्रतय्गु खँ दुध्याकात:गु दु । थौंकन्हय् कनीगु बाखं तसकं त:धं जुया वनाच्वंगु अवस्था दु ।

अले सतिदेवीया अंग पतन जूगुनिसें थीथी पार्वतीनिसें गोमय्जु, अप्सरात, चन्द्रवती लगायतया पात्रत स्वस्थानी धलं दनीगु खँ न्ह्यथनात:गु दु । स्वस्थानी बाखंया विषययात कया

अध्ययण याना उगु हे विषयसं विद्यावारिधी यानादीम्ह अमेरिकाया नागरिक डा. जेसीका भान्ताइन विक्रेन्होल्सया धापू कथं आ: तकया दक्ले पुलांगु स्वस्थानीया बाखं सफू धइगु थनि न्यास:दँ पुलांगु बाखं सफू ख: ।

उगु सफुतिइ नेवा: भासं बाखं च्वयात:गु दु । वय्क:या धापू कथं मुक्कं याना च्यागू पाना जक दुगु न्यास:दँ पुलांगु उगु बाखनय् गोमय्जु,

नवराज व चन्द्रावतीया बाखं जक दुध्याकात:गु दु । अले लिपा विक्रम संवत् १८ सयपाखे वया शिव, पार्वती, दक्षप्रजापति, सत्यदेवीया बाखं दुध्याकूगु ख: ।

पुराणया आधारय् उगु कथंया बाखं दुध्याकूगु ख:सा लिपा हाकनं हाकनं मेमेगु बाखं दुध्याकायंका: तसकं त:धं याना बिउगु ख: धका: वय्कलं धयादीगु दु ।

कथंहं.....



# निक्वःगु तःमुँज्या किपुलिइ यायेत किपूया पत्रकातयूगु मुँज्या भिङ्गुम्हेसिया संयोजन पुचः नीस्वन



देयन्यंक्या नेवा: पत्रकारतयूगु मंका:गु संगठन नेवा: पत्रकार राष्ट्रिय दबूया निक्वःगु तःमुँज्या तःजिक क्वचायेकेगु नितिं किपुलिइ नेवा: पत्रकारतयूगु तःजिगु मुँज्या याना उकिया नितिं भिङ्गुम्हेसिया छगू संयोजन पुचः तःकं नीस्वंगु दु ।

किपुलिइ वइगु वैशाख ११ गते लोकतन्त्र दिवस कुन्हु नेवा: पत्रकार राष्ट्रिय दबूया निक्वःगु तःमुँज्या याइगु जुया म्हिगः किपूया पत्रकारतयूगु छगू मुँज्या च्वना किपू पत्रकार समन्वय पुचः नीस्वंगु दु ।

नेवा: पत्रकार राष्ट्रिय दबूया नायः श्रीकृष्ण महर्जनया सभापतित्वय् जूगु मुँज्या उगु पुचःया कजिइ नजरराम महर्जन, देवराज महर्जन व ज्ञानकुमार महर्जन च्वनादीगु दु ।

उगु मुँज्याय् नेवा: पत्रकार राष्ट्रिय दबूया नायः श्रीकृष्ण महर्जन नेवा: पत्रकारत राष्ट्रिय दबू गठन यायेमाःगु आवश्यकता, नेवा: पत्रकारतयूगु अवस्था, नेवा: पत्रकारतयूगु संगठनया खँ न्हयथसें नेवा: पत्रकारतयूगु पहुँच, अधिकार व मंका: कथं समस्यायात सामना यायेत हे संगठित रुपं न्ह्याः वनेमाःगु खँ कनादीगु खः ।

वय्कलं निक्वःगु तःमुँज्याया नितिं जुयाच्वंगु तयारीया बारे नं न्हयथनादीगु खः । नेवा: पत्रकार राष्ट्रिय दबूया केन्द्रीय दुजः ज्ञानकुमार महर्जन न्ह्याकादीगु उगु मुँज्याय् वरिष्ठ पत्रकार राजेन्द्र महर्जन, पत्रकारपिं नविन जोशी, ललेन्द्र शाक्य, देवराज महर्जन, शरव कुमार महर्जन, प्रताप महर्जन, रामभोला महर्जन, ज्ञानबहादुर महर्जन, पौभा: डंगोल लगायतपिन्सं थःथःगु बिचाः च्वकादीगु खः ।

मुँज्यां नीस्वंगु संयोजन पुचलय् किपूया नेवा: पत्रकारत नविन जोशी, ललेन्द्र शाक्य, रामभोला महर्जन, राजेश शाक्य, प्रताप महर्जन, राजमान महर्जन, शरवकुमार महर्जन, पौभा: डंगोल, वीरप्रसाद भन्सारी, गौतम महर्जन, राज्यरत्न बज्राचार्य, नारायण



महर्जन, रिता महर्जन, ज्ञानबहादुर महर्जन, जितेन्द्र महर्जन व श्रीकृष्ण तण्डुकार च्वनादीगु दु ।

अथे हे न्हापा किपूया नेवा: नापं नेवा: मखुपिं जाना दयेकूगु कीर्तिपुर पत्रकार समाजयात मूर्त रुप बिइगु नितिं नं उगु संयोजन पुचलं ज्या यायेगु निर्णय नं याःगु दु । अथे हे मुँज्यां आः नेवा: पत्रकार राष्ट्रिय दबूया केन्द्र व जिल्लाया समन्वय याना निक्वःगु तःमुँज्या तःजिक क्वचायेकेगु नितिं माःगु कथं ज्या यायेगु बारे नं सहलह व्याकूगु दु ।

नेवा: पत्रकार राष्ट्रिय दबूयाखें आः याकनं हे येँ जिल्ला समिति व केन्द्रीय समितिया बैठक च्वनीगु जूगु दु । अथे जिल्ला व

केन्द्रीय समितिया बैठक लिपा किपूया संयोजन पुचःलिसे सहलह व्याका निक्वःगु तःमुँज्याया नितिं माःगु कथं तयारी याइ धाःगु दु ।

नेवा: पत्रकार राष्ट्रिय दबूया निक्वःगु तःमुँज्याया प्रस्ताव कथं किपूया लोकतान्त्रिक चोकं च्याली पिकया किपूया लाय्कू लागाय् उद्घाटन समारोह यायेगु अले बन्द शत्र नं किपुलिइ हे यायेगु खः । दबूया न्हापांगु तःमुँज्या सम्मेलनया रुपय् येँ जूगु खःसा येँया शान्ति वाटिकां पिकाःगु च्याली थीथी लागा चाःहिला येँया बसन्तपुलिइ तःजिक ज्याभूवःया दथुइ उद्घाटन समारोह जूगु खः ।

तपाईको टोलमा भएका घटना कीर्तिपुरको समाचार बनाउने हो भने तपाई एक कल फोन गर्नुस् हामी तपाईको टोलको समाचार कीर्तिपुरको समाचार बनाईदिनेछौं

## कीर्तिपुरको चित्रण



किपुलिं पिदनाच्वंगु कीर्तिपुर सन्देश वा:पौ व ज्वजलपा: वा:पौया ग्राहक जुइगु नितिं स्वापू तयादिसँ

कार्यालय: निखासी टोल: कीर्तिपुर नपा-३  
फोन नं.: ४३३३००७, ९८४१४०१०७७

ज्वजलपा वा:पतिइ छिगू चिनाखँ/बाखँ/हाइकू विज्ञापन व मेमेगु च्वसू पिथनेगु जूसा जिमित स्वापू तयादिसँ

सकलसिगु मंका: सः



## ज्वजलपा वा:पौ

ज्याकू: निखासी त्वा: किपू नपा-३ फोन ल्या: ४३३३००७, ९८०८६२६४२० ई-मेल : kirtipur\_sandesh@live.com